



# ქალაქ თბილისის მუნიციპალიტეტის საკრებულო



დადგენილება № 10-42  
---

„ 19 „ მაისი ----- 2017 ♣

## ძ. თბილისი

„ქალაქ თბილისის მუნიციპალიტეტის ტერიტორიაზე ცხოველების (ძაღვების, კატების) მოვლა-პატრონობის და მათი პოპულაციების მართვის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2015 წლის 6 აპრილის № 7-28 დადგენილებაში ცვლილების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის საფუძველზე, ქალაქ თბილისის მუნიციპალიტეტის საკრებულო ადგენს:

მუხლი 1. „ქალაქ თბილისის მუნიციპალიტეტის ტერიტორიაზე ცხოველების (ძაღვების, კატების) მოვლა-პატრონობის და მათი პოპულაციების მართვის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2015 წლის 6 აპრილის № 7-28 დადგენილებაში (სსმ, ვებგვერდი: [www.matsne.gov.ge](http://www.matsne.gov.ge), 08/04/2015 სარეგისტრაციო კოდი: 410080000.35.101.016141) შეტანილ იქნეს ცვლილება და დადგენილების პირველი პუნქტით დამტკიცებული:

1. წესის პირველი მუხლის მე-3 პუნქტს დაემატოს შემდეგი შინაარსის „ვ“ ქვეპუნქტი:  
„ვ) ამ წესის დარღვევისთვის პასუხისმგებლობის საფუძველების განსაზღვრა.“.

2. წესის მე-6 მუხლის მე-17 და მე-18 პუნქტები ჩამოყალიბდეს შემდეგი რედაქციით:  
„17. ცხოველის დაკარგვის შემთხვევაში, ცხოველის პატრონი ვალდებულია დაუყოვნებლივ შეატყობინოს უფლებამოსილ ორგანოს დაკარგვის ფაქტის შესახებ და წარადგინოს შესაბამისი ინფორმაცია (ცხოველის, მისი დაკარგვის დროის, ადგილის, გარემოებების შესახებ და სხვა).

18. ცხოველის პატრონი ვალდებულია დაუყოვნებლივ შეატყობინოს შესაბამის ვეტერინარულ დაწესებულებას და უფლებამოსილ ორგანოს, საკუთრებაში (მფლობელობაში) მყოფი ცხოველის მიერ ადამიანის ან/და ცხოველის დაკბენის/დაკაწვრის/დადორზვლის ფაქტის შესახებ, უზრუნველყოს ცხოველზე ვეტერინარული ზედამხედველობის დაწესება, შესაბამის ვეტერინარულ დაწესებულებაში ან უფლებამოსილ ორგანოში წარადგინოს ცხოველის ვეტერინარული პასპორტი და მოქმედი კანონმდებლობის შესაბამისად უზრუნველყოს მცვენებული ზიანის ანაზღაურება. ცხოველის ვეტერინარული ზედამხედველობის ხარჯების ანაზღაურებას უზრუნველყოფს ცხოველის პატრონი.“.

3. წესს დაემატოს შემდეგი შინაარსის მე-10 მუხლი:

„ მუხლი 10. პასუხისმგებლობა და ხარჯების ანაზღაურება

1. პასუხისმგებლობა ამ წესის დარღვევისთვის განისაზღვრება საქართველოს ადმინისტრაციულ სამართალდარღვევათა კოდექსის შესაბამისად.

2. ამ წესის მოქმედება ვრცელდება როგორც ცხოველის პატრონზე/მფლობელზე, ასევე იმ პირზე, რომელიც ჩადის სამართალდარღვევას, იმ შემთხვევაში, როდესაც პატრონის/მფლობელის დადგენა შეუძლებელია.

3. ამ წესის მე-8 მუხლის მე-6 პუნქტის „დ“ ქვეპუნქტის შესაბამისად, მეთვალყურეობის გარეშე მყოფ ცხოველს, უფლებამოსილი ორგანო გადაიყვანს ცხოველთა მუნიციპალურ თავმჯდომარეში (შემდგომში - სპეციალური ადგილი), ამ წესით დადგენილი, შემდგომი პროცედურების უზრუნველყოფის მიზნით.

4. ამ მუხლის მე-3 პუნქტით გათვალისწინებულ შემთხვევაში, უფლებამოსილი ორგანო ვალდებულია გაატაროს ამ წესის მე-2 მუხლის „კ“ ქვეპუნქტით დადგენილი ღონისძიებები.

5. სპეციალურ ადგილზე გადაყვანილი ცხოველი პატრონს/მფლობელს დაუბრუნდება მხოლოდ სპეციალურ ადგილზე ცხოველის გადაყვანის და მოვლა-პატრონობის ხარჯების ანაზღაურების დამადასტურებელი დოკუმენტების უფლებამოსილ ორგანოში წარდგენის შემდეგ.

6. სპეციალურ ადგილზე ცხოველის გადაყვანის და დღიური მოვლა-პატრონობის ხარჯი შეადგენს:

ა) გადაყვანა სპეციალურ ადგილზე - 50 ლარს;

ბ) დღიური მოვლა-პატრონობა:

ბ.ა) ძაღლის - 5 ლარს;

ბ.ბ) კატის - 3 ლარს.

7. სპეციალურ ადგილზე გადაყვანილი, ამ წესის შესაბამისად იდენტიფიცირებული და რეგისტრირებული ცხოველი პატრონს/მფლობელს დაუბრუნდება უფლებამოსილი ორგანოს მიერ წარმოებულ ცხოველთა ერთიან სარეგისტრაციო მონაცემთა ბაზაში ცხოველის მონაცემების შემოწმებისა და ცხოველის პატრონის/მფლობელის იდენტიფიკაციის საფუძველზე. სპეციალურ ადგილზე გადაყვანილი ცხოველის პატრონის/მფლობელის დადგენის შემთხვევაში, უფლებამოსილი ორგანო ვალდებულია შეატყობინოს პატრონს/მფლობელს, მის საკუთრებაში/მფლობელობაში არსებული ცხოველის სპეციალურ ადგილზე გადაყვანის ფაქტის შესახებ, ამ ფაქტის დადგომის მომენტიდან არაუგვიანეს სამი კალენდარული დღისა.

8. სპეციალურ ადგილზე გადაყვანილი, იდენტიფიკაციის/რეგისტრაციის გარეშე მყოფი ცხოველი ფაქტიურ პატრონს/მფლობელს დაუბრუნდება იმ შემთხვევაში, თუ პირი წარადგენს უფლებამოსილ ორგანოში 3 მოქალაქის მიერ ხელმოწერით დადასტურებულ და სანოტარო წესით დამოწმებულ ხელწერილს, რომ სპეციალურ ადგილზე გადაყვანილი ცხოველი წარმოადგენს მის საკუთრებას. სპეციალური ადგილიდან გაყვანამდე,

იდენტიფიკაციის/რეგისტრაციის გარეშე მყოფი ცხოველი ექვემდებარება სავალდებულო იდენტიფიკაციას და რეგისტრაციას, ამ წესის საფუძველზე.“

9. პატრონისთვის/მფლობელისთვის ცხოველის დაბრუნების შესახებ შედგება მიღება-ჩაბარების აქტი, რომელსაც ხელს აწერს უფლებამოსილი ორგანოს წარმომადგენელი და ცხოველის პატრონი/მფლობელი. მიღება-ჩაბარების აქტს თან უნდა დაერთოს ცხოველის ფოტოსურათი.

10. ამ მუხლით გათვალისწინებული დოკუმენტებისა და მათი შინაარსის ნამდვილობაზე პასუხისმგებლობა ეკისრება მათ წარმომდგენს.

11. დაჯარიმების თაობაზე გამოცემული აქტის გასაჩივრება არ ათავისუფლებს პირს სპეციალურ ადგილზე ცხოველის გადაყვანის და მოვლა-პატრონობის ხარჯების ანაზღაურებისგან.

12. იმ შემთხვევაში, თუ სპეციალურ ადგილზე გადაყვანიდან 10 დღის ვადაში არ დადგინდება ცხოველის პატრონი/მფლობელი ან ის არ მიმართავს უფლებამოსილ ორგანოს სპეციალურ ადგილზე გადაყვანილი ცხოველის დაბრუნების მიზნით და არ აანაზღაურებს სპეციალურ ადგილზე ცხოველის გადაყვანის და მოვლა-პატრონობის ხარჯებს, უფლებამოსილი ორგანო უფლებამოსილია რაციონალური მიზანშეწონილობის საფუძველზე მოახდინოს ცხოველის რეალიზება ელექტრონული აუქციონის (შემდგომში - აუქციონი) ფორმით, ან გაასხვისოს ცხოველი, ან გაატაროს ამ წესით დადგენილი სხვა ღონისძიებები.

13. ცხოველის რეალიზება აუქციონის ფორმით ხორციელდება შემდეგი წესით:

ა) ცხოველის რეალიზაციასა და აუქციონის ჩატარების თაობაზე გადაწყვეტილებას იღებს უფლებამოსილი ორგანოს ხელმძღვანელი.

ბ) აუქციონის ფორმით ცხოველის რეალიზაციას მოახდენს უფლებამოსილი ორგანო, სსიპ-საქართველოს ფინანსთა სამინისტროს მომსახურების სააგენტოს ელექტრონულ გვერდზე [www.eauction.ge](http://www.eauction.ge).

გ) აუქციონის ჩატარების თაობაზე გადაწყვეტილების მიღებიდან არაუგვიანეს 3 სამუშაო დღისა, უფლებამოსილი ორგანო ოფიციალურ ვებ-გვერდზე [www.animalsmonitoring.ge](http://www.animalsmonitoring.ge) აქვეყნებს განცხადებას, რომელიც უნდა შეიცავდეს:

გ.ა) აუქციონის დაწყების და დასრულების თარიღს;

გ.ბ) სარეალიზაციო ცხოველების სახეობას, რაოდენობას, მოკლე აღწერას;

გ.გ) ცხოველის საწყის სარეალიზაციო ღირებულებას;

გ.დ) უპირობო და გამოუხმობი საბანკო გარანტიის/ზეს ოდენობას;

გ.ე) ბიჯის სიდიდეს;

გ.ვ) საჭიროების შემთხვევაში აუქციონის ჩატარების სხვა პირობებს.

დ) იმ შემთხვევაში, თუ დადგენილია ცხოველის მესაკუთრე/მფლობელი, უფლებამოსილი ორგანო ვალდებულია რეალიზაციას დაქვემდებარებული ცხოველის მესაკუთრეს/მფლობელს, აუქციონის დაწყებამდე 3 დღით ადრე წერილობით ან სატელეფონო კომუნიკაციის საშუალებით შეატყობინოს ელექტრონული აუქციონის დაწყების დრო.

ე) უფლებამოსილი ორგანო ვალდებულია აუქციონის გამოცხადებამდე მოიკვლიოს ცხოველის საბაზრო ფასი და საწყისი სარეალიზაციო ღირებულება განსაზღვროს ბაზრის კვლევით დადგენილი ოდენობის შესაბამისად.

ვ) აუქციონის დაწყების და დასრულების დროდ განისაზღვრება მინიმუმ 5 და მაქსიმუმ 45 კალენდარული დღე.

ზ) უპირობო და გამოუხმობი საბანკო გარანტიის/ბეს თანხის ოდენობა უნდა შეადგენდეს ცხოველის საწყისი სარეალიზაციო ღირებულების არანაკლებ 10 %-ს და არაუმეტეს 80 %-სა.

თ) ბიჯის ოდენობა განისაზღვრება ცხოველის საწყისი სარეალიზაციო ღირებულების 5 %-ით.

ი) თუ აუქციონზე პირველად გატანისას არ განხორციელდება ცხოველის რეალიზაცია, უფლებამოსილი ორგანოს ხელმძღვანელი იღებს გადაწყვეტილებას საწყისი სარეალიზაციო ღირებულების 25%-ით შემცირების თაობაზე.

კ) თუ ამ პუნქტის „ი“ ქვეპუნქტით გათვალისწინებულ შემთხვევაში არ განხორციელდა ცხოველის რეალიზაცია, უფლებამოსილი ორგანოს ხელმძღვანელი იღებს გადაწყვეტილებას ცხოველის საწყისი სარეალიზაციო ღირებულების 50 %-ით შემცირების თაობაზე.

ლ) თუ ამ პუნქტის „კ“ ქვეპუნქტით გათვალისწინებულ შემთხვევაში არ განხორციელდა ცხოველის რეალიზაცია, უფლებამოსილი ორგანოს ხელმძღვანელი იღებს გადაწყვეტილებას ცხოველის საწყისი სარეალიზაციო ღირებულების 70 %-ით შემცირების თაობაზე.

მ) თუ ამ პუნქტის „ლ“ ქვეპუნქტით გათვალისწინებულ შემთხვევაში არ განხორციელდა ცხოველის რეალიზაცია, უფლებამოსილი ორგანოს ხელმძღვანელი იღებს გადაწყვეტილებას ცხოველის საწყისი სარეალიზაციო ღირებულების 70%-ზე მეტად შემცირებული ფასით რეალიზაციის თაობაზე.“.

მუხლი 2. დადგენილება ამოქმედდეს გამოქვეყნებისთანავე.

საკრებულოს თავმჯდომარე



გიორგი ალიბეგაშვილი

## გ ა ნ მ ა რ ტ ე ბ ი თ ი ბ ა რ ა თ ი

„ქალაქ თბილისის მუნიციპალიტეტის ტერიტორიაზე ცხოველების (ძაღვების, კატების) მოვლა-პატრონობის და მათი პოპულაციების მართვის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2015 წლის 6 აპრილის № 7-28 დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის საკრებულოს დადგენილების პროექტის თაობაზე

ა) ქალაქ თბილისის მუნიციპალიტეტის საკრებულოს დადგენილების პროექტის (შემდგომში - პროექტის) მიღების (გამოცემის) მიზეზი/პროექტის დამახასიათებელი ძირითადი ნიშნები:

„ქალაქ თბილისის მუნიციპალიტეტის ტერიტორიაზე ცხოველების (ძაღვების, კატების) მოვლა-პატრონობის და მათი პოპულაციების მართვის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2015 წლის 6 აპრილის № 7-28 დადგენილებაში ცვლილების შეტანის თაობაზე“ ქალაქ თბილისის მუნიციპალიტეტის საკრებულოს დადგენილების პროექტი (შემდგომში - პროექტი) მომზადებულია ქალაქ თბილისის მუნიციპალიტეტის მერიის საჯარო სამართლის იურიდიული პირის - ცხოველთა მონიტორინგის სააგენტოს, როგორც ამავე წესით განსაზღვრული უფლებამოსილი ორგანოს მიერ, დაკისრებული მოვალეობების შესრულებისას პრაქტიკულად გამოვლენილი პრობლემური საკითხების მოწესრიგების მიზნით. კერძოდ:

„ქალაქ თბილისის მუნიციპალიტეტის ტერიტორიაზე ცხოველების (ძაღვების, კატების) მოვლა-პატრონობის და მათი პოპულაციების მართვის წესის“ (შემდგომში - წესი) მე-6 მუხლი (ცხოველის შენახვასა და მოვლა-პატრონობასთან დაკავშირებული პატრონის ვალდებულებები) ადგენს ცხოველის პატრონის მრავალ კონკრეტულ ვალდებულებას, მათ შორის:

- ცხოველის პატრონი პასუხისმგებელია ცხოველის ჯანმრთელობაზე, მოვლა-პატრონობაზე და მის კეთილდღეობაზე, ასევე სხვა ადამიანებისა და ცხოველების მიმართ საკუთარი ცხოველისგან მომდინარე საფრთხეების თავიდან აცილებაზე (პირველი პუნქტი);

- ცხოველის პატრონი ვალდებულია აანაზღაუროს მის საკუთრებაში/მფლობელობაში მყოფი ცხოველის მიერ მიყენებული ზარალი, საქართველოს კანონმდებლობით დადგენილი წესით (მე-2 პუნქტი);

- დაუშვებელია ცხოველის უპატრონოდ ან მეთვალყურეობის გარეშე მიტოვება (მე-5 პუნქტი);

- ცხოველის დაკარგვის შემთხვევაში, ცხოველის პატრონი ვალდებულია 24 საათის განმავლობაში მოახდინოს უფლებამოსილი ორგანოს შეტყობინება დაკარგვის ფაქტის შესახებ და წარადგინოს შესაბამისი ინფორმაცია (ცხოველის, მისი დაკარგვის დროის, ადგილის, გარემოებების შესახებ და სხვა) (მე-17 პუნქტი).

გარდა ამისა, მართვის წესის მე-8 მუხლი (უპატრონო ცხოველების პოპულაციის მართვა და კონტროლი) ადგენს უპატრონო ცხოველების პოპულაციების მართვა-კონტროლის საფუძვლებს და ფარგლებს, ასევე უფლებამოსილი ორგანოს კომპეტენციას აღნიშნულ სფეროში, მათ შორის:

- ურბანულ გარემოში ბინადარი უპატრონო და მიკედლებული ცხოველების პოპულაციების მართვა და კონტროლი, მათზე ვეტერინარული ზედამხედველობის

განხორციელება და ამ წესით განსაზღვრული სხვა მიზნების უზრუნველყოფა უფლებამოსილი ორგანოს საქმიანობის სფეროს განეკუთვნება (პირველი პუნქტი);

- ცხოველებისგან ადამიანებისა ან/და ცხოველებისათვის მომდინარე საფრთხეების თავიდან აცილების მიზნით, შემდგომი პროცედურების უზრუნველსაყოფად სავალდებულო დაჭერას ცხოველები ექვემდებარებიან ხუთ კონკრეტულ შემთხვევაში, მათ შორის სავარაუდოდ დაკარგული ან უპატრონოდ/მეთვალყურეობის გარეშე მიტოვებული ცხოველები, რომელთა ჯიშის გარეგანი მახასიათებლები ან/და იდენტიფიკაციის ვიზუალური ნიშნები ან/და ქცევითი თავისებურებები მიუთითებენ, რომ ცხოველს შესაძლოა ყავს პატრონი (მე-6 პუნქტის „დ“ ქვეპუნქტი).

მართვის წესის ზემოხსენებული და სხვა მრავალი რეგულაციის საფუძველზე, უწყვეტ, 24-საათიან რეჟიმში სააგენტო ახორციელებს რეაგირებას ცხოველებთან დაკავშირებულ სხვადასხვა ტიპის და ხასიათის პრობლემებზე, მათ შორის უზრუნველყოფს ურბანულ გარემოში მეთვალყურეობის გარეშე მიტოვებული ან დაკარგული სავარაუდოდ პატრონიანი ცხოველების დაჭერას, მათ გადაყვანას ცხოველთა მუნიციპალურ თავშესაფარში, ლაბორატორიულ კვლევას, მათ მოვლა-პატრონობას თავშესაფრის პირობებში და პატრონის დადგენის ღონისძიებებს 10 დღის განმავლობაში, თავშესაფარში აღნიშნული კატეგორიის ცხოველის შემოყვანის მომენტიდან. ცხადია, რომ ყველა ჩამოთვლილი ღონისძიების პრაქტიკული უზრუნველყოფა დაკავშირებულია მნიშვნელოვან საფინანსო დანახარჯებთან, განსაკუთრებით კი მსგავსი კატეგორიის შემთხვევების სიმრავლის გათვალისწინებით (მაგალითად, 2016 წლის განმავლობაში ცხოველთა მუნიციპალურ თავშესაფარში რეაგირების ღონისძიებების შედეგად შეყვანილი 7 855 ცხოველიდან (6332 ძაღლი და 1523 კატა), 236 (დაახლოებით 3 %) შემოყვანილი იყო სწორედ ე.წ. „დაკარგულის სტატუსით“).

ამასთან, შესაბამისი საკანონმდებლო ვაკუუმის პირობებში, ცხოველების უპასუხისმგებლო პატრონებს, რომლებმაც უყურადღებობით ან დაუდევრობით დაკარგეს საკუთარი ცხოველები, ეკისრებათ მხოლოდ მცირე ადმინისტრაციული სახდელი (8 ლარის ოდენობით) და მუნიციპალური თავშესაფრიდან ცხოველებს იბრუნებენ გადაყვანის და მოვლა-პატრონობის ხარჯების ანაზღაურების გარეშე.

გარდა ამისა, გასათვალისწინებელია, რომ ანალოგიური რეგულაციები (როგორც პროცედურების, ისე ხარჯების ტარიფიკაციის თვალსაზრისით) დადგენილია ქალაქ თბილისის მუნიციპალიტეტის საკრებულოს მიერ, ძაღლებთან და კატებთან, ასევე პირუტყვთან დაკავშირებული იდენტური შემთხვევებისთვის. კერძოდ „ქ.თბილისის მუნიციპალიტეტის ტერიტორიაზე მსხვილფეხა ან/და წვრილფეხა პირუტყვის ყოფნის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 30 დეკემბრის № 20-93 დადგენილებით და „ქალაქ თბილისის მუნიციპალიტეტის მერიის საჯარო სამართლის იურიდიული პირის-ცხოველთა მონიტორინგის სააგენტოს მიერ გაწეული ცალკეული მომსახურების საფასურის განსაზღვრის წესის შესახებ“ ქალაქ თბილისის მუნიციპალიტეტის საკრებულოს 2015 წლის 29 დეკემბრის № 33-141 დადგენილებით. სწორედ აღნიშნული ანალოგიები არის გამოყენებული ნორმატიული აქტის წარმოდგენილ პროექტში როგორც პროცედურული, ისე სატარიფო ნაწილის დასაბუთება-დადგენის პროცესში.

ყოველივე ზემოხსენებულის გათვალისწინებით, აუცილებელია ნორმატიული აქტით დადგინდეს, მუნიციპალურ თავშესაფარში „დაკარგულის სტატუსით“ შეყვანილი ცხოველების გადაყვანის და მათი დღიური მოვლა-პატრონობის ხარჯების, ასევე

პატრონისთვის აღნიშნული კატეგორიის ცხოველების დაბრუნების პროცედურები, წარმოდგენილი პროექტის შესაბამისად.

მართვის წესის მე-6 მუხლის (ცხოველის შენახვასა და მოვლა-პატრონობასთან დაკავშირებული პატრონის ვალდებულებები) მე-17 პუნქტის თანახმად, ცხოველის დაკარგვის შემთხვევაში, ცხოველის პატრონი ვალდებულია 24 საათის განმავლობაში მოახდინოს უფლებამოსილი ორგანოს შეტყობინება დაკარგვის ფაქტის შესახებ და წარადგინოს შესაბამისი ინფორმაცია (ცხოველის, მისი დაკარგვის დროის, ადგილის, გარემოებების შესახებ და სხვა). აღსანიშნავია, რომ არაკეთილსინდისიერი პატრონები ხშირად იყენებენ შეტყობინების 24-საათიანი პერიოდის უფლებას, ადმინისტრაციული პასუხისმგებლობისგან თავის არიდების მიზნით. შესაბამისად, აუცილებელი აღნიშნული ფორმულირების ცვლილება „დაუყოვნებლივ შეტყობინებაზე“, რაც პირდაპირ თანხვედრაში მოდის მართვის წესით დადგენილ აკრძალვასთან, ცხოველების მეთვალყურეობის გარეშე მიტოვების შესახებ და, შესაბამისად, გამორიცხავს მომავალში ადმინისტრაციული პასუხისმგებლობისგან თავის არიდების შესაძლებლობას ცხოველების პატრონების მხრიდან.

ამასთან, აღსანიშნავია, რომ მოქმედი საკანონმდებლო რეგულაციები არ იძლევა საშუალებას შემჭიდროვებულ ვადებში, არსებული რეალობის გათვალისწინებით მოხდეს თავშესაფარში გადაყვანილი ცხოველის რეალიზება იმ შემთხვევებში, თუ ვერ დადგინდა ცხოველის მესაკუთრე/მფლობელი ან სხვადასხვა მიზეზებიდან გამომდინარე მან უარი განაცხადა ცხოველის დაბრუნებაზე. შესაბამისად, საკანონმდებლო ანალოგიების გამოყენების გზით მიზანშეწონილია შემუშავდეს ზემოაღნიშნული კატეგორიის ცხოველების რეალიზაციის წესი, რომელიც უზრუნველყოფს რეალიზაციის გამჭვირვალე და სამართლიან პროცედურებს, ელექტრონული აუქციონის ფორმით. ზემოხსენებული საკითხის დაურეგულირებლობის შემთხვევაში, სააგენტო შესაძლოა აღმოჩნდეს რეალური საფრთხის წინაშე, ვინაიდან სააგენტოს ცხოველთა თავშესაფარში რეალიზებას დაქვემდებარებული ცხოველების ყოფნის ვადები გაგრძელდება უსასრულოდ ან ხანგრძლივი ვადით, რაც ავტომატურად გამოიწვევს პირუტყვის მოვლა-პატრონობაზე გასაწევი ხარჯების მნიშვნელოვან, გაუმართლებელ ზრდას და მძიმე ფინანსურ ზიანს.

გარდა ამისა, მართვის წესის პირველ მუხლში და მე-6 მუხლის მე-18 პუნქტში მიზანსწონილია ტექნიკური ხასიათის ცვლილების განხორციელება, წარმოდგენილი პროექტის მიხედვით.

**ბ) პროექტის საფინანსო-ეკონომიკური გაანგარიშება:**

პროექტის მიღება არ გამოიწვევს აუცილებელი (დამატებითი) ხარჯების გამოყოფას ქალაქ თბილისის მუნიციპალიტეტის ბიუჯეტიდან.

**გ) პროექტის ავტორი (ავტორები):**

პროექტის ავტორია ქალაქ თბილისის მუნიციპალიტეტის მერია.

**დ) პროექტის წარმდგენი:**

პროექტის წარმდგენია ქალაქ თბილისის მუნიციპალიტეტის მერი.